



4 Mac 2016
4 March 2016
P.U. (A) 49

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH PERBADANAN INSURANS DEPOSIT MALAYSIA (PREMIUM PERTAMA DAN PREMIUM TAHUNAN BERKENAAN DENGAN ANGGOTA PENANGGUNG INSURANS) 2016

MALAYSIA DEPOSIT INSURANCE CORPORATION (FIRST PREMIUM AND ANNUAL PREMIUM IN RESPECT OF INSURER MEMBERS) ORDER 2016



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PERBADANAN INSURANS DEPOSIT MALAYSIA 2011

PERINTAH PERBADANAN INSURANS DEPOSIT MALAYSIA (PREMIUM PERTAMA DAN
PREMIUM TAHUNAN BERKENAAN DENGAN ANGGOTA PENANGGUNG
INSURANS) 2016

PADA menjalankan kuasa yang diberikan oleh perenggan 71(1)(b), dan subseksyen 72(2) dan (3) Akta Perbadanan Insurans Deposit Malaysia 2011 [*Akta 720*], Menteri, atas syor Perbadanan, membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Perbadanan Insurans Deposit Malaysia (Premium Pertama dan Premium Tahunan berkenaan dengan Anggota Penanggung Insurans) 2016**.

(2) Perintah ini hendaklah berkuat kuasa mulai tahun taksiran 2016.

Tafsiran

2. Dalam Perintah ini—

“anggota penanggung insurans digabung” mempunyai erti yang sama sebagaimana dalam subperenggan 18(1) Jadual kepada Peraturan-Peraturan Perbadanan Insurans Deposit Malaysia (Sistem Premium Berbeza berkenaan dengan Anggota Penanggung Insurans) 2012 [*P.U. (A) 496/2012*];

“dikelaskan” ertinya dikelaskan di bawah Peraturan-Peraturan Perbadanan Insurans Deposit Malaysia (Sistem Premium Berbeza berkenaan dengan Anggota Penanggung Insurans) 2012;

“tahun taksiran kedua” ertinya tahun taksiran sebaik selepas tahun taksiran pertama;

“tahun taksiran pertama” ertinya tahun taksiran yang suatu syarikat insurans atau pengendali takaful menjadi suatu anggota penanggung insurans.

Kadar premium pertama bagi perniagaan takaful perpaduan keluarga

3. Tertakluk kepada subseksyen 71(1) Akta, kadar premium pertama bagi suatu anggota penanggung insurans yang menjalankan perniagaan takaful perpaduan keluarga ialah kadar premium yang ditentukan dalam Jadual Pertama bagi kategori premium 1, dikira berdasarkan penilaian aktuari liabiliti takaful perpaduan keluarga berkenaan dengan manfaat dilindungi yang berkaitan pada hari terakhir bulan yang ia menjadi anggota penanggung insurans, dikira mengikut apa-apa cara yang ditentukan oleh Perbadanan.

Kadar premium pertama bagi perniagaan takaful am

4. Tertakluk kepada subseksyen 71(1) Akta, kadar premium pertama bagi suatu anggota penanggung insurans yang menjalankan perniagaan takaful am ialah kadar premium yang ditentukan dalam Jadual Kedua bagi kategori premium 1, dikira berdasarkan jumlah premium bersih yang diterima oleh anggota penanggung insurans itu berkenaan dengan manfaat dilindungi yang berkaitan dalam bulan yang ia menjadi anggota penanggung insurans, dikira mengikut apa-apa cara yang ditentukan oleh Perbadanan.

Kadar premium pertama bagi perniagaan insurans hayat

5. Tertakluk kepada subseksyen 71(1) Akta, kadar premium pertama bagi suatu anggota penanggung insurans yang menjalankan perniagaan insurans hayat ialah kadar premium yang ditentukan dalam Jadual Pertama bagi kategori premium 1, dikira berdasarkan penilaian aktuari liabiliti insurans hayat berkenaan dengan manfaat dilindungi yang berkaitan pada hari terakhir bulan yang ia menjadi anggota penanggung insurans, dikira mengikut apa-apa cara yang ditentukan oleh Perbadanan.

Kadar premium pertama bagi perniagaan insurans am

6. Tertakluk kepada subseksyen 71(1) Akta, kadar premium pertama bagi suatu anggota penanggung insurans yang menjalankan perniagaan insurans am ialah kadar premium yang ditentukan dalam Jadual Ketiga bagi kategori premium 1, dikira berdasarkan jumlah premium bersih yang diterima oleh anggota penanggung insurans itu berkenaan dengan manfaat dilindungi yang berkaitan dalam bulan yang ia menjadi

anggota penanggung insurans, dikira mengikut apa-apa cara yang ditentukan oleh Perbadanan.

Kadar premium tahunan bagi perniagaan takaful perpaduan keluarga

7. (1) Tertakluk kepada perenggan 11, bagi suatu anggota penanggung insurans yang menjalankan perniagaan takaful perpaduan keluarga—

- (a) kadar premium tahunan bagi tahun taksiran keduanya ialah kadar premium yang ditentukan dalam Jadual Pertama bagi kategori premium 1, dikira berdasarkan penilaian aktuari liabiliti takaful perpaduan keluarga berkenaan dengan manfaat dilindungi yang berkaitan pada 31 Disember tahun taksiran pertamanya, dikira mengikut apa-apa cara yang ditentukan oleh Perbadanan; dan
- (b) kadar premium tahunan bagi tahun-tahun taksiran selepas tahun taksiran keduanya ialah kadar premium yang ditentukan dalam Jadual Pertama bagi kategori premium yang anggota penanggung insurans itu dikelaskan bagi tahun taksiran itu, dikira berdasarkan penilaian aktuari liabiliti takaful perpaduan keluarga berkenaan dengan manfaat dilindungi yang berkaitan pada 31 Disember tahun taksiran yang sebelumnya, dikira mengikut apa-apa cara yang ditentukan oleh Perbadanan.

(2) Walau apa pun subsubperenggan (1)(a), bagi suatu anggota penanggung insurans digabung yang menjalankan perniagaan takaful perpaduan keluarga, kadar premium tahunan bagi tahun taksiran keduanya ialah kadar yang ditentukan dalam Jadual Pertama bagi kategori premium yang anggota penanggung insurans digabung itu dikelaskan bagi tahun taksiran itu, dikira berdasarkan penilaian aktuari liabiliti takaful perpaduan keluarga berkenaan dengan manfaat dilindungi yang berkaitan pada 31 Disember tahun taksiran yang sebelumnya, dikira mengikut apa-apa cara yang ditentukan oleh Perbadanan.

Kadar premium tahunan bagi perniagaan takaful am

8. (1) Tertakluk kepada perenggan 11, bagi suatu anggota penanggung insurans yang menjalankan perniagaan takaful am—

(a) kadar premium tahunan bagi tahun taksiran keduanya ialah kadar premium yang ditentukan dalam Jadual Kedua bagi kategori premium 1, dikira berdasarkan jumlah premium bersih yang diterima oleh anggota penanggung insurans itu berkenaan dengan manfaat dilindungi yang berkaitan dalam tahun taksiran pertamanya, dikira mengikut apa-apa cara yang ditentukan oleh Perbadanan; dan

(b) kadar premium tahunan bagi tahun-tahun taksiran selepas tahun taksiran keduanya ialah kadar premium yang ditentukan dalam Jadual Kedua bagi kategori premium yang anggota penanggung insurans itu dikelaskan bagi tahun taksiran itu, dikira berdasarkan jumlah premium bersih yang diterima oleh anggota penanggung insurans itu berkenaan dengan manfaat dilindungi yang berkaitan dalam tahun taksiran yang sebelumnya, dikira mengikut apa-apa cara yang ditentukan oleh Perbadanan.

(2) Walau apa pun subsubperenggan (1)(a), bagi suatu anggota penanggung insurans digabung yang menjalankan perniagaan takaful am, kadar premium tahunan bagi tahun taksiran keduanya ialah kadar yang ditentukan dalam Jadual Kedua bagi kategori premium yang anggota penanggung insurans digabung itu dikelaskan bagi tahun taksiran itu, dikira berdasarkan jumlah premium bersih yang diterima oleh anggota penanggung insurans digabung itu berkenaan dengan manfaat dilindungi yang berkaitan dalam tahun taksiran yang sebelumnya, dikira mengikut apa-apa cara yang ditentukan oleh Perbadanan.

Kadar premium tahunan bagi perniagaan insurans hayat

9. (1) Tertakluk kepada perenggan 12, bagi suatu anggota penanggung insurans yang menjalankan perniagaan insurans hayat—